


Keynote Address by Her Worship Mayor of Musina, Cllr Mihloti Muhlope during the handing over of a house to Ms Nyadzanga Ndou at Mabvete village on Friday 27 July 2018



Programme Director

Ndi khou livhuwa u fhiwa tshifhinga tshauri ndi pose mavhili na mararu kha mushumo hoyu wa namusi

Kha vhaimele vha Musanda na khoro ya fhanu Mabvete ndiri: u luvha a hu na mapone

Mukhanselara wa ino **Ward** vhanu vha vha **Chief Whip** wa Maspala wa Musina Vho-Fistos Mafela

Vho **rakhonthraka** vha **Ramkol Construction and Projects**

Vhashumisani u bva kha **NHBRC**

Vhaeni vhothe vho rambiwaho

Ndi sa hangwi muthomphei washu wa duvha, mukegulu Vho-Nyadzani Ndou na muta wavho

Ndi a vha resha.

Kha vha ntendele uri musu ndi saathu dzhena tshothe kha tshidziki tsha mafhungo anga, ndi thome nga u vha humbudza uri maspala wa Musina u a thonifha na u hulisa vharaphanda vha sialala. Ndi nga zwo ro vhona zwo tea uri musu ri saathu u swika fhanu mudini, ri thome nga u divhiga musanda.

Sa MaAfrika, vho makhulu washu vho ri funza uri a ri koni u sokou dzhena kha muvhundu ngeno Musanda vha sa zwi divhi. Ri kha di vha kha muano washu wauri ri do isa phanda na u shumisana na mahosi u itela u khwinisa ndisedzo ya tshumelo kha maspala washu.

Sa zwe zwa divhadzisiwa zwone, ro da fhanu namusi u netshedza ndu hei na **toilet** sa tshipida tsha u pembelela vhutshilo ha mulwela-mbofholowo, mukalaha Vho-Nelson Mandela. Tshitenwa tsha vhubahe kana **number 9** tsha **Freedom Charter** ye ya **adophiwa** nga 1955 nga vhalwela-mbofholowo, tshi sumbedzisa uri vhatu vhothe vha fanela u vha na vhudzulo. Zwino rine sa muvhuso wa ANC na zwiimiswa zwo fhambanaho, ri khou isa phanda na u phetha ndaela sa zwe ra laedzwa nga vharangaphanda vhashu vha nga ho Vho-Nelson Mandela, Vho-Albetina Sisulu, Vho-Oliver Tambo, Vho-Winnie Mandela, Vho-John Dube na vhanwe.

Arali vha nga sedza zwavhudi, vha do zwi vhona uri mushumo hoyu wa namusi ndi wa **special** vhukuma. Hezwi ndi khou zwi ambiswa ngauri muta une ra kho u netshedza hezwi zwifhiwa namusi, wo rangiwa phanda nga mualuwa are na minwaha ya **106**. Ndi fulufhela uri na tshifhatuwo tsha Mudzimu namusi tshi khou ri sedza tsho tsha vhukuma ngauri ri khou ita zwe Bivhili ya amba uri ri hulise vhabebi vhashu uri ri kone u lalama kha lino shango.

Zwo vha zwi tshi pfisa vhutungu u wana zwauri mukegulu na nwana wavho na vhaduhulu vho vha vha tshi khou dzula kha lufhera luthihi lwe lwa vha lu tshi nga wa tshifhinga tshinwe na tshinwe. Kha ri tende uri musi shango lo rangiwa phanda nga muvhuso wa ANC, vhutshilo ha vhathu vhu a khwinisea. Vhutanzi hazwo ndi zwenezwi zwine ra khou zwi vhona namusi.

Kha vha ntendele ndi livhise ndivhuwo khulu u bva vhudzivhani ha mbilu yanga kha havha vho **rakhonthraka** vha **Ramkol Construction and Projects** nge vha vha phangami kha uri ri vhone mushumo hoyu wa namusi wo khunyelela ngaurali. Ndi ri Mudzimu kha vha andisele zwine vha vha nazwo ngauri vha khou thogomela vha shayaho. Kha ndi dovhe hafhu ndi livhuwe Musanda wa fhanu Mabvete nge vha tenda uri hei nndu i fhatiwe mavuni avho. Vha **NHBRC**, zwiimiswa zwa tshitshavha na vhathu vhothe vho shumisaho nungo na mihumbulo u bvedza thandela iyi, ndi ri: a vha ri tshileli.

Kha ndi fhedzisele nga u tutuwedza vho ramabindu, zwiimiswa zwo fhambanaho na vhadzulapo vhothe vha Musina uri kha ri tavhe muya wa lufuno na u nea dzimbiluni dzashu. Musi ri tshi funana, na vhusiwana a vhu koni u ri fhandekanya ngauri vhashayaho na vhone vha a difhelwa nga vhutshilo. Ngangoho, mashudu a munei a fhira a muneiwa.

Nga heneo maipfi a si gathi ndi ri nndu ya mukegulu Vho-Nyadzani Ndou, namusi ro i netshedza lwa tshiofisi.

Ndi a livhuwa.